



Broj: 16-11-34-2-728- 2. /19  
Istočno Sarajevo, 05.02. 2019. godine

Na osnovu člana 8. stav (2) Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17) i Odluke o potrebi prijema zaposlenika u radni odnos, broj 16-11-34-2-728-1/19 od 30.01.2019. godine, direktor Državne agencije za istrage i zaštitu raspisuje

**JAVNI OGLAS**  
**za prijem zaposlenika u radni odnos na neodređeno vrijeme**

**I. SEKTOR ZA MATERIJALNO-FINANSIJSKE POSLOVE**

**a) Odsjek za materijalno poslovanje, logistiku i održavanje**

**1. Higijeničar (1 izvršilac)**

Opis poslova: Održava čistoću u objektima koje koristi Državna agencija za istrage i zaštitu i brine se o higijensko-potrošnom materijalu i sredstvima, obavlja i druge poslove koje mu odredi šef odsjeka. Za svoj rad neposredno je odgovoran šefu odsjeka.

Posebni uslovi neophodni za radno mjesto: Završena osnovna škola, bez potrebnog radnog iskustva.

**II. REGIONALNI URED MOSTAR**

**1. Tehnički sekretar – administrator (1 izvršilac)**

Opis poslova: Pomaže u radu načelniku regionalnog ureda, vodi raspored poslova organizacione jedinice i rukovodioca, po ovlaštenju rukovodioca rukuje pečatom i isti čuva, koordinira prijem materijala i predmeta, obavlja usmenu komunikaciju sa unutrašnjim organizacionim jedinicama Državne agencije za istrage i zaštitu i sa drugim institucijama i organima, prima i prosljeđuje telefonske pozive, osigurava prijem, podjelu i slanje obične i klasificirane pošte određenog stepena tajnosti, vodi evidencije o istoj u pisanoj i elektronskoj formi u okviru DMS-a (Document Management System), vodi zapisnik sa sastanaka, vrši obradu materijala na računaru, radi i druge poslove koje mu odredi načelnik regionalnog ureda. Za svoj rad neposredno odgovara načelniku regionalnog ureda.

Posebni uslovi neophodni za radno mjesto: SSS – IV stepen, završena birotehnička, upravna, ekonomska škola, gimnazija ili druga srednja škola društvenog smjera, najmanje jedna godina radnog iskustva na istim ili sličnim poslovima, položen stručni upravni ispit, poznavanje propisa iz oblasti zaštite tajnih podataka, poznavanje rada na računaru.

## 2. Higijeničar (1 izvršilac)

Opis poslova: Održava čistoću u objektima koje koristi regionalni ured i brine se o higijensko-potrošnom materijalu i sredstvima, radi i druge poslove koje mu odredi načelnik regionalnog ureda.

Posebni uslovi neophodni za radno mjesto: Završena osnovna škola, bez potrebnog radnog iskustva.

## III. REGIONALNI URED TUZLA

### 1. Vozač – kurir (1 izvršilac)

Opis poslova: Vršiti poslove vozača za potrebe regionalnog ureda, odgovara za tehničku i funkcionalnu ispravnost vozila koja koristi, vodi evidenciju o korištenju i održavanju vozila, obavlja kurirske poslove za potrebe regionalnog ureda, vrši dostavljanje obične i klasificirane pošte određenog stepena tajnosti, obavlja usmenu komunikaciju sa unutrašnjim organizacionim jedinicama Državne agencije za istrage i zaštitu u vezi sa poslovima iz svoje nadležnosti, vodi odgovarajuće evidencije, vrši zaduženje predmeta po izvršiocima, otprema poštu putem PTT službe, radi i druge poslove koje mu odredi načelnik regionalnog ureda. Za svoj rad neposredno odgovara načelniku regionalnog ureda.

Posebni uslovi neophodni za radno mjesto: SSS – IV stepen, najmanje jedna godina radnog iskustva na istim ili sličnim poslovima, položen stručni upravni ispit, poznavanje propisa iz oblasti zaštite tajnih podataka, položen vozački ispit „B“ kategorije.

### Opći uslovi

Pored navedenih posebnih uslova za prijem u radni odnos, kandidat mora ispunjavati i sljedeće opće uslove, propisane članom 10. Zakona o radu u institucijama Bosne i Hercegovine:

- da ima navršениh 18 godina života;
- da je državljanin Bosne i Hercegovine;
- da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem, u skladu s krivičnim zakonima u Bosni i Hercegovini;
- da nije obuhvaćen odredbom člana IX stav 1. Ustava Bosne i Hercegovine;
- da je fizički i psihički sposoban za obavljanje poslova radnog mjesta na koje se prijavio.

### Podnošenje prijave

Pisana prijava na Javni oglas uključuje: ime i prezime, adresu, kontakt telefon, naziv radnog mjesta na koje se kandidat prijavljuje i kratku biografiju.

Uz prijavu kandidati treba da prilože original ili ovjerenu kopiju:

- a) diplome o završenoj školi i rješenja o nostrifikaciji diplome, ukoliko je diploma stečena van Bosne i Hercegovine nakon 06.04.1992. godine, ne dostavljati diplomu višeg stepena školske spreme od one koja se traži;

- b) uvjerenja o državljanstvu ne starijeg od šest mjeseci od dana izdavanja od strane nadležnog organa;
- c) potvrde ili uvjerenja, kao dokaz o radnom iskustvu na istim ili sličnim poslovima, koji moraju biti precizni i detaljni, odnosno u kojima treba da su navedeni podaci na kojim poslovima je kandidat radio, sa nazivom radnog mjesta, koliko dugo je obavljao navedene poslove, po mogućnosti opis poslova sa preciziranim periodom radnog angažiranja na radnim zadacima, što više podataka koji će dokazati potrebno radno iskustvo (napomena: radna knjižica ne može dokazati nijedan oblik radnog iskustva);
- d) uvjerenja o poznavanju rada na računaru (za radna mjesta za koja se traži poznavanje rada na računaru);
- e) dokaza o položenom vozačkom ispitu „B“ kategorije (za radno mjesto vozač – kurir);
- f) uvjerenja o položenom stručnom upravnom ispitu (za radna mjesta za koja se traži položen stručni upravni ispit). Ako kandidat nema položen stručni upravni ispit, on može biti prihvaćen u dalju proceduru, s tim da je, ukoliko bude primljen u radni odnos u Agenciji, stručni upravni ispit obavezan položiti u roku od šest mjeseci od dana prijema u radni odnos shodno odredbama Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17);
- g) izjave kandidata da nije obuhvaćen odredbom člana IX stav 1. Ustava Bosne i Hercegovine, ovjerene od strane nadležnog organa.

Prijava se predaje u zatvorenoj koverti neposredno ili se šalje poštom preporučenom pošiljkom na adresu:

**Državna agencija za istrage i zaštitu, Nikole Tesle 59, Istočno Sarajevo, sa naznakom „Javni oglas za prijem zaposlenika u radni odnos“.**

Rok za podnošenje prijave je 15 dana od dana objavljivanja Javnog oglasa u dnevnim novinama koje se distribuiraju na cijeloj teritoriji Bosne i Hercegovine. Radi informiranosti, Javni oglas će biti objavljen i na web stranici Državne agencije za istrage i zaštitu: [www.sipa.gov.ba](http://www.sipa.gov.ba).

### **Postupak izbora i zapošljavanja kandidata**

Neblagovremene i nepotpune prijave, kao i kopije dokumenata koje nisu ovjerene neće se uzeti u razmatranje.

Prijavljeni kandidati podliježu proceduri provjere osposobljenosti putem intervjua i pismenog testiranja za obavljanje poslova za radna mjesta za koja su aplicirali, koje može uključivati i praktičnu provjeru znanja. Za radno mjesto higijeničar kandidati podliježu proceduri provjere osposobljenosti samo putem intervjua.


Radi zaštite ličnih podataka, tokom postupka izbora kandidati će biti informirani putem web stranice Državne agencije za istrage i zaštitu pod šifrom koja će im biti dodijeljena nakon pregleda podnesenih prijava na Javni oglas, o čemu će biti obaviješteni telefonom. Kandidati koji su pristupili testiranju o ishodu postupka bit će obaviješteni pismenim putem.

Prije donošenja odluke o prijemu u radni odnos zaposlenika, predloženi kandidati bit će obuhvaćeni osnovnom sigurnosnom provjerom u skladu sa postupkom za izdavanje dozvole za pristup tajnim podacima stepena „POVJERLJIVO“, shodno odredbama Zakona o zaštiti tajnih podataka („Službeni glasnik BiH“, br. 54/04 i 12/09), kao i odredbama podzakonskih akata donesenih na osnovu ovog zakona.

Nakon donošenja odluke o prijemu kandidata u radni odnos, prije sklapanja ugovora o radu primljeni kandidat je dužan da dostavi ljekarsko uvjerenje ne starije od 30 dana, kojim

potvrđuje da je fizički i psihički sposoban za obavljanje poslova radnog mjesta na koje je primljen. Također, primljeni kandidat je dužan da dostavi dokaz da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini.

Kandidat koji bude primljen u radni odnos u Državnoj agenciji za istrage i zaštitu, zasnovat će radni odnos na neodređeno vrijeme. Probni rad u trajanju od šest mjeseci obavezan je za sve primljene kandidate.



DIREKTOR  
GLAVNI GENERALNI INSPEKTOR POLICIJE

Perica Stanić